

Prvi zamjenik visokog predstavnika



Louis J. Crishock

Prvi zamjenik visokog predstavnika i supervizor za Brčko Distrikt od augusta 2024. godine

Louis J. Crishock trenutno obavlja dužnost prvog zamjenika visokog predstavnika u Uredu visokog predstavnika u Sarajevu, Bosna i Hercegovina. On je istovremeno i međunarodni supervizor za Brčko Distrikt, posebnu administrativnu jedinicu unutar Bosne i Hercegovine.

Crishock je visoki dužnosnik Službe vanjskih poslova

Sjedinjenih Američkih Država na poziciji savjetnika. Prije ovog imenovanja, obavljao je dužnost stalnog saradnika State Departmenta na Institutu Polar pri Međunarodnom centru za naučne radnike Woodrow Wilson u Washingtonu, DC. Od 2021. do 2023. vršio je dužnost višeg zvaničnika Sjedinjenih Američkih Država za Arktik. Ostale dužnosti koje je Crishock obavljao u inostranstvu na višim rukovodnim funkcijama uključuju funkciju generalnog konzula Sjedinjenih Američkih Država u Vladivostoku, Rusija, te otpravnika poslova u St. Georgesu, Grenada. Prije stupanja na dužnosti u State Departmentu, Crishock je predavao sociologiju na Uralskom državnom univerzitetu i bio zamjenik direktora Projekta građanskog obrazovanja u Rusiji.

Crishock je diplomirao teologiju, te je dobitnik priznanja summa cum laude i član društva Phi Beta Kappa na Američkom katoličkom univerzitetu u Washingtonu, a magistrirao je sociologiju na istom univerzitetu. Istaknuti je diplomac Eisenhower škole za nacionalnu sigurnost i strategiju resursa Univerziteta za nacionalnu odbranu gdje je studirao energetiku. Posjeduje radno poznavanje bosanskog/srpskog/hrvatskog, ukrajinskog i ruskog jezika.